

四庫全書存目叢書編纂委員會編


齊魯書社

四庫全書存目叢書

史部
第一六二冊

責任編輯：孫言誠 賀 偉

ISBN 7-5333-0535-3



9 787533 305352 >

1996/9

四庫全書存目叢書·史部一六二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一六二冊目次

史部·載記類

高麗史一百三十七卷目錄二卷(四)

〔朝鮮〕鄭麟趾撰
雲南大學圖書館藏明景泰二年朝鮮活字本

唐餘紀傳十八卷

〔明〕陳寔撰
首都圖書館藏明嘉靖二十三年馮煥刻本

吳越紀餘五卷附襍詠一卷

〔明〕錢貴撰
浙江圖書館藏清初花橋水閣鈔本

陳張事略一卷附方國珍本末略一卷

〔明〕吳國倫撰
涵芬樓影印清道光十一年六安晁氏木活字學海類編本

越嶠書二十卷(卷一卷二配清鈔本)(一)

〔明〕李文鳳撰
北京大學圖書館藏明藍格鈔本

五〇一

六二〇

六五五

六六三

高麗史一百三十七卷目錄

二卷(四)

〔朝鮮〕鄭麟趾撰

雲南大學圖書館藏明景泰二年朝鮮

活字本

附《四庫全書總目·高麗史二

卷》提要

列傳卷第二十六 高麗史一百三十七

卷

安祐 金得培 李芳實

安祐小字拔都耽津縣人金得培尚州人李
芳實咸安縣人祐恭愍元年拜軍簿判書鷹
揚軍上護軍累歷知樞密院事叅知中書政
事得培父祿仕至判典醬初州吏金祚有女
曰萬宮生七歲祚避丹賊趣曰華城追兵近
蒼黃棄萬宮于道既三日得之林下萬宮言
夜有物來抱晝則去人皆驚異跡之乃虎也
及長適州吏金鎰生祿得培登第補藝文檢
閱累遷典客副令從恭愍入元宿衛及王即
位授右副代言六年爲西北面紅頭倭賊防
禦都指揮使尋拜樞密院直學士仍爲西北
面都巡問使兼西京尹上萬戶芳實從忠穆
入元侍從有勞及即位補中郎將遷護軍賜
由百結恭愍三年轉大護軍宣城達魯花赤

魯連祥叛芳實以龍州兵潛渡江直入連祥家刺殺父子傳首于京七年祐爲安州軍民萬戶府萬戶金元鳳副之慶千興爲西京軍民萬戶府萬戶得培副之芳實以偏裨行宰樞設祖都門外祐醉卧日午不起麾下缺望明年紅頭賊移文曰慨念生民久陷於胡倡義舉兵恢復中原東踰齊魯西出函秦南過閩廣北抵幽燕悉皆款附如飢者之得膏粱病者之遇藥石今今諸將戒嚴士卒毋得擾

宋史卷一百一十三

三

民民之歸化者撫之執迷旅拒者罪之賊魁偽平章毛居敬等衆號四萬水渡鴨綠江陷義州殺副使朱末世及州民千餘又陷靜麟州殺都指揮使金元鳳遂據麟州祐率兵進擊賊奔潰追斬三十餘級賊入鐵州祐將七十餘騎行戰地登山息馬猝值賊帥毛貴揚兵大出將士皆懼失色祐談笑自若便旋盤激從容跨馬引兵直前阻清江而陣賊數騎登橋麾稍賈勇兵馬判官丁贊奮劍大呼先

登橋斬賊將一人賊稍却祐與芳實將軍李蔭李仁祐等奮擊大破之賊退屯麟靜等州事聞王遣使賜祐金帶宣州支縣民聞賊近皆潰賊遣兵千餘取其穀祐得培領步騎一千逐之賊擔負不能走追至賊屯賊盡銳迎擊之祐等敗千戶吳仲興將軍李仁祐死士馬物故者多退屯定州賊遂陷西京又明年芳實遇賊于鐵化斬百餘級諸軍次生陽驛摠二萬時天寒士卒手足凍皸顛仆甚衆賊

宋史卷一百一十三

三

知我軍將戰殺所虜人以萬計積尸如丘我軍進攻西京步兵先入躡死者千餘賊兵死者無慮數千人賊退屯龍岡咸從王以祐爲安州軍民萬戶府都萬戶芳實爲上萬戶金於珍爲副萬戶祐等進軍咸從賊乘我軍未陣突擊之我軍敗走賊以精騎躡之祐芳實於珍大將軍李珣等殿以拒之賊不得逼會東北面千戶丁臣桂引兵一千而至與賊殊死戰斬數十級賊追至五十里而止我步兵

登山以免其被殺掠者千餘賊四百餘人屯
蒲州山谷間聞其黨敗於西京還趣義州中
郎將柳塘郎將金景在義州修城門聞之召
州千戶張倫發龍州等處兵擊之賊入保靜
州城塘等進攻殲之我軍又戰于咸從判開
城府事辛富將軍李堅死諸軍力戰賊勢窮
入柵自保我步兵入柵擊之騎兵環柵亂射
殺二萬級擒偽元帥沈刺黃志善賊退保甌
山縣芳寶以精騎一千追至延州江祐得培

宋史卷一百一十三

忠

於珍亦率精騎繼至賊窘渡江冰陷死者殆
數千賊登岸作隊為抗拒狀我軍疑窮寇死
戰歛兵不追是夜賊遁芳寶蓐食追之賊徒
飢困安鉄數州之間死者相枕芳寶追至古
宣州以輕騎蹙之殺數百賊死戰芳寶以人
馬困憊歛兵而止餘賊三百餘一日一夜至
義州渡鴨綠江而走芳寶祐等追不及而還祐
等初從鴨綠抵西京又自咸從還至鴨綠凡
九戰祐得培與慶千興遣李珣金仁彦告捷

正勞諭召還命泥城萬戶金璉守鴨綠夏防
祐等上牋賀曰紅衣之為寇驚悍狼貪雖白
額當前狐綏免狡所欲必得險阻所遇莫不
屠殘虐焰俱焚望之膽破臭風如遡動則心
悲以吾久玩太平之民當彼敢行死拒之賊
誠亦難哉清江安州之役不利雖臣輩之無
良西京咸從之戰見功是社稷之有德原野
積屍之累萬闕津突騎則逾千所欠漏厥兇
魁而以爲遺恨然繩木自盡者多則其窘勿

宋史卷一百一十三

忠

問抑夫妻相刎者半則所計已窮度彼中心
無復東意雖然在賊中便弓馬稍多本朝之
人比年間作罪辜儻是宣城之擊如不艾舊
惡當更虞將來殿下念臣等久於水草之勞
敝於死亡之辱允納凱歸之報明垂召入之
言不覺蛟泣之沾膺欣瞻龍顏則拊脾所有
邊事悉歸夏防然而顧一方之形容假數年
則蘇息糟糠得接於口亦尚幸焉酒肉將求
於民不可忍也使華往返宴飲賞需除朝夕

粥飯外宜一切禁之驛館緣于道塗驛吏出於州縣州驛相去更日而行供給次番盡月而代除安州以南外嘉定隨郭宣鐵龍麟之人宜不出本州以待賓客姑寢其驛館人民不得已而奴辱於虜軍官無乃何而逃竄於山勢非苟然力不贍爾除謀故外宜先數其愆而第宥之使恩威並行而不悖平民奴婢良家子孫將士自爲功或有在於俘獲主帥雖出令安能究於倉皇除漢兒男女外亦宜

今所司體察督還本元臣等昨者在行陣間往往事有可訊癘以今月初吉離軍上赴天朝謹奉牋陳進以聞王批荅云窮寇之來肆毒有如蜂蟻我兵所至定威奚啻雷霆當其奏凱而還嘉乃馳牋而賀師旣旋大饗將士拜祐推忠節義定亂功臣中書平章政事得培輸忠保節定遠功臣政堂文學芳實推誠協輔功臣樞密院副使紅賊七十艘又寇西海道達芳實擊于豐州斬三十餘級賊乘

舟遁去王宴群臣賜芳實玉帶玉纓公主曰何不愛至寶輕以與人王曰使我宗社不爲兵墟百姓不爲魚肉皆芳實功也予雖割肌膚以與之尚不能報況此物乎十年紅賊偽平章潘誠沙劉關先生朱元帥以龍鳳紀元率衆二十萬渡鴨綠江寇朔州泥城祐爲上元帥得培爲都兵馬使芳實爲都指揮使知肅州康呂火民戶而逃賊屯撫州芳實以彼衆我寡按兵不進請移殷順成三州陽岩樹

德江東三登祥原五縣民及粟于岳嶺柵從之芳實遣判司農事趙天柱左丞柳繼祖大將軍崔準等擊賊于博州敗之禮部尚書李珣邀擊于秦州斬七級芳實與指揮使金景礪至价州擊斬百五十餘級祐遣趙天柱鄭履張臣補李元桂洪瑄鄭詵等以步騎四百至博州擊斬百餘級芳實又以百騎擊斬二十級于延州祐領諸軍進屯安州獻捷曰丁贊王安德金仁彥許子麟朴壽年金琦鄭元

甫俞之推邊安烈權長壽趙麟趙仁璧等皆力戰有功乞加賞以作士氣王命祐爲都元帥曰閭外之事將軍制之爾其賞罰用命不用命賊襲安州我軍敗上將軍李蔭趙天柱死賊獲景碑爲其元帥移文曰將兵百十萬而東其速迎降正遣密直提學鄭思道金玗守岳嶺柵賊夜伏兵萬餘於柵旁鷄鳴以鐵騎五千攻破柵門我軍大潰祐得培等單騎奔還祐行收兵與樞兵官金鏞等屯金郊驛

高麗書卷十三

八

鏞遣左常侍崔瑩請遣京兵王知事急遂謀避亂使京城婦女老弱先出城人心洶洶賊先鋒至興義驛王及公主將南行鏞祐芳實等馳至以爲京城不可不守瑩尤痛憤大叫曰願上小留募丁壯守宗社宰臣相顧默然駕幸受天寺遣近臣往通衢大呼招集義兵都人皆散應者纔數人祐等無如之何白王曰臣等留此禦賊請王行王遂南幸出崇仁門老幼顛仆子母相奔躡籍滿野哭聲動天

地後數日賊陷京城留屯數月殺牛馬張皮爲城灌水成冰人不得緣上又屠多男女或燔孕婦乳食之怒其殘虐王在福州以鄭世雲爲樞兵官督諸軍十一年祐芳實得培黃裳韓少信李餘慶安遇慶李龜壽崔瑩率兵二十萬屯東郊天壽寺前世雲督令進軍諸將圍京城世雲退屯兜率院時方雨雪賊弛備餘慶當崇仁門麾下護軍權僖訥知之曰賊之精銳皆聚於此出其不意攻之可克翌

高麗書卷十三

九

日昧爽僖率數十騎突入鼓譟奮擊賊衆驚駭諸將乘之四面急擊我太祖以麾下親兵二千人先登大敗之日捕時斬賊魁沙劉關先生等賊徒自相蹈藉僵屍滿城斬首凡一十餘萬獲元帝玉璽二金寶一玉印三金銀銅印金銀器牌面等物諸將咸曰窮寇不可盡也乃開崇仁炭峴二門餘黨破頭潘等十餘萬奔渡鴨綠江而走賊遂平攻城之日賊雖窮蹙築壘固守諸軍進

同通之

太祖止路旁家夜半賊闖圍而走

太祖馳至東門賊及我軍爭門雜還不可出有後至賊以槍刺

太祖右耳後勢急

太祖拔劍斫前七八人躍馬踰城馬不跌人皆神之鏞素與世雲爭寵又恐祐得培芳實等成大功爲王所重欲使祐等殺世雲因以爲罪而盡殺之乃矯旨爲書使其姪前工部

尚書金琳密諭祐等令局世雲且曰世雲素

十一

忌卿等破賊之後必不免禍盍先畱之祐芳實就得培牙帳曰今世雲畏賊不進鏞書如此不可不從得培曰今甫平賊豈宜自相剪威昔攘直擅誅莊賈衛青不殺蘇建古今明鑑不可不慎若不獲已執致闕下聽上區處不亦可乎祐芳實乃退及夜復來言曰誅世雲君命也我輩成功而不奉命其如後患何得培堅執不可祐等強之於是置酒使人邀

世雲既至祐等目壯士於坐擊殺之王聞變遣直門下金瑱頒赦令諸將赴行在以安其心既而福州守朴之英言于宰相曰芳實獨殺世雲祐等亦遇害王恐生他變即召瑱還將調兵討之判事金賢士將軍洪師禹來獻諸將論世雲書王大悅賜賢金銀布帛復遣瑱頒赦召之英責曰汝何妄言予念其老不置於法止令罷歸鄉里又遣知奏事元松壽賜諸將衣酒祐至咸昌縣王擇大臣有計畫者往迎之以備非常乃遣侍中柳濯濯至蹕進酒請元帥立飲祐不敢濯曰今公收復三韓僕敢以爵位爲心一極之後豈復請立飲耶因泣下明日祐凱還詣行宮上謁鏞今睦仁吉引至中門使門者撻其首祐辭色不變王叩所佩囊大呼曰幸小緩願至上前獻囊書就戮王未及聞撻者更擊殺之曳下庭王不知其死傳旨曰汝等擅殺鄭世雲身首異處今不斬汝以有大功也囊書即鏞給祐等

尚書金琳密諭祐等令局世雲且曰世雲素

十一

殺世雲書也。鏞恐琳洩其謀，先斬之。遂白王曰：「祐等擅殺主將，是不有殿下也，罪不可赦。」王聞祐死，其幼子裸立道旁，哀之，召留禁中，問其所歸。遣之麾下，士驚潰。王召賜酒食，勞之。鏞與洪彥博、柳濯、廉悌臣、李岩、尹桓、黃裳、李春、富金希祖、稟旨，揭榜云：「祐等不忠，擅殺世雲。祐已伏辜，有能捕得培芳實者，超三級錄用。分遣大將軍吳仁澤、御史中丞鄭之祥、萬戶朴椿、金庾等捕之。」是日，芳實赴行在，至

高麗書十五

十二

龍宮縣王命芳實、舅右散騎辛珣按廉成元，揆往迎椿，至稱有旨。芳實下庭跪，仁澤拔劍擊之，即仆絕。良久，復蘇。踰垣走椿，追執之。芳實欲拔椿劍之祥等，從後擊殺之。得活至基州，聞變，率數騎逃匿山陽縣。先望側流，其弟得齊于花山，囚得培妻，鞫之。其婿直講趙云：「佗謂妻母曰：『直言之母受苦，楚妻母隱忍久之，乃告庾椿之祥。』」元揆等捕斬之，梟首尚州。年五十一。觀者莫不嗟悼。得培門生直翰

林鄭夢周請王收屍爲文以祭，曰：「嗚呼！皇天我罪，伊何嗚呼！皇天此何人哉！蓋聞福善禍淫者，天也。賞善罰惡者，人也。天人雖殊，其理則一。古人有言曰：『天定勝人，人衆勝天。』天定勝人，果何理也？人衆勝天，亦何理也？往者紅寇，闖入乘輿，播越國家之命，危如懸綫。惟公首倡大義，遠近響應，身出萬死之計，克復三韓之業。凡今之人，會於斯，寢於斯，伊誰之功？歟！雖有其罪，以功掩之，可也。罪重於功，必使

高麗書十五

十三

歸服其罪，然後誅之，可也。奈何汗馬未乾，凱歌未罷，遂使泰山之功，轉爲鋒刃之血歟！此吾所以泣血而問於天者也。吾知其忠魂壯魄，千秋萬歲，必飲泣於九泉之下。嗚呼！命也如之何！如之何！芳實子中文，祐子年甫十餘，遊市街，人爭以物饋之，曰：『今我輩獲安寢食，三元帥之功也。』至有垂涕者。

鄭世雲

鄭世雲，光州長澤縣人。從恭愍入元，宿衛累

官大護軍王即位錄其功爲一等與金鑄有寵於王揚廣道按廣金南得皆辱忽赤中郎將鄭谷同僚攷石和等訴於王世雲鑄與南得善請王杖流石和等于海島又與鑄忌密直副使任君輔有寵譜以詐傳王旨流濟州歷軍簿判書知門下省事錄誅奇轍功爲一等八年紅賊陷西京以世雲爲西北面都巡察使自黃州還言賊入西京積柴修城無進逼計願勿驚擾以安衆心轉參知政事倭

寇揚廣道京城戒嚴今百官從軍諫官請王官辭世雲曰諫官從軍古所未聞如國體何命免之十年紅賊陷京城王幸福州世雲以樞密兼廣揚軍上將軍從行性忠清日夜憂憤以掃賊恢復自任王亦倚信世雲屢請趣下哀痛之教以慰民心遣使督諸道兵討賊王遂以世雲爲樞密官教曰天下安注意相天下危注意將惟時與勢輕重在人可不慎哉然惟太祖肇創鴻業列聖相承休養生民

逮于寡人狃于宴安軍旅之事廢而不講以致紅賊侵犯播越而南每念宗社痛楚何堪今分遣諸將合兵攻賊乃授鄭世雲節鉞往董厥師賞罰用命不用命其各處軍官軍人敢有故違節制及隔越馳聞者聽以軍法從事於戲師出以律有國之所當先國耳忘家爲臣之所當急惟爾士衆體予至懷世雲諸都堂憤然揚言曰吾甚寒微如吾爲相國家宜亂竹嶺以南居人扈駕者不給糧并從軍

此議已定今何不然紀綱乃爾安能制難謂柳淑曰吾明日出師公其往發軍淑曰諸軍已到竹嶺大院矣世雲曰軍若後期公亦不得免責淑即往督之又謂鑄曰今兩相玩寇如此孰不効耶若不殲賊縱竄雁山谷可得而生可得而國乎守侍中李岳曰今寇賊闖入君臣播遷爲天下之笑三韓之恥而公首倡大義仗鉞行師社稷之再安王業之中興在此一舉惟公勉之吾君臣日夜望公之凱

還也世雲行擢授中書平章事位二相三宰
之聞王遣弓達赤權天祐賜衣酒世雲附奏
曰諸將有報獲賊者勿先論賞臣雖捕獲不
敢數馳報以煩驛騎大戰之後具狀上聞西
京人高敬至軍前言府民脫賊者無慮萬人
請遣將鎮撫世雲大悅遣禮部尚書李珣往
撫之督赴京城十一年世雲督諸將圍京城
自退屯堯率院賊平遣大將軍金漢貴中郎
將金景奉露布詣行在曰嘗軫濟世之心旁
求俊彥敬承分間之命恐累聖明竊聞興衰
有數理亂無窮安民之要禦寇爲難大王去
邠未能防狄人之逼明皇幸蜀不得制獨徇
之侵掃赤眉而劉漢重興破黃巾而曹魏繼
統悲惟時運匪獨人爲當去歲之仲冬值結
天之勅敵論其肆毒雖豺虎之莫如觀其行
兵亦孫吳之難抗日將自恣世無論何乘勝
長驅既橫行於天下遠引直入遂大振於海
東怒鋒不可當龍風皆自積百萬精甲奄屯

住於都城億兆斯民蕩流離於道路嗟哉黎
烝甚於塗炭况乘輿之遠狩實將相之深憂
肆舉雲合之兵遂攻蟻聚之虜士卒得建瓴
之勢赴敵何難頑囂爲破竹之魂迎刃輒解
制天下所不能制誅一世所不能誅魚可息
於鼎中兔難脫於網外四單一奇何足法焉
亮八陣可爲師凌雪入城李愬取蔡州之地
背水爲陣韓信拔趙壁之旗事雖不同義則
允合昔蒐兵於已亥曾掃賊於朝鮮再克寇
侵之強皆非臣等之績茲蓋伏遇殿下勇智
天錫聖敬日躋遠播休風運禮樂於三代誕
敷文德舞干羽于兩階梟獍之所以馴犬羊
之所以伏無不關於聖化亦皆囿於至仁理
之自然否則復秦斯乃重興之際實是更始
之初臣等敢不競奮鷹揚之勇致清明於會
朝載伸鰲抃之誠佇瞻望於行在王喜賜漢
貴黃金二十五兩帛二匹景帛二匹即遣內
詹事李大豆里賜世雲衣緞太后公主亦賜

衣酒尋為安祐等所害洪彥博聞其死曰摠
兵之出師也言貌甚傲其及宜矣贈僉議政
丞葬以禮又追錄扈從及收復之功俱為一
等

安遇慶

安遇慶世系履歷未詳恭愍八年從安祐等
擊走紅賊後與祐等收復京都錄功俱一等
又討興王賊錄功亦一等元以平紅賊功遣
使授奉訓大夫廣文監丞元立德興君為王

納之遇慶以贊成事為都指揮使屯義州移
書婆娑府脫脫禾孫曰本國自太祖神聖大
王創業垂統正嫡承襲四百餘年元王始事
朝廷世祖皇帝命不改土風元王嫡子忠烈
王尚公主生忠宣王忠宣王亦尚公主生忠
肅王義為君臣親為甥舅今我國王忠肅王
之嫡子入侍天庭十有餘年頗著功績尚公
主為駙馬承正統蒞下國事大之禮恪謹一
心不幸紅賊橫行天下剽殘天民所指火烈

天威難制越己亥冬偽名毛平章黃院判等
賊十餘萬闖入東國至于西京我軍大發一
掃無餘又於辛丑年沙劉潘平章關先生等
賊三十餘萬深入王京吾王赫怒諸將奮勇
盡殲其衆杜稷獲安人民受賜兩度破賊之
事既以具呈中書省矣東民以謂上國必當
厚賞引頸北望豈慮本國人崔濡等挾其仇
怨貝錦誣詞簧惑天聽使我主上至于失職
以忠宣棄妾孽子搭思帖木兒為王三千里
外遠勞天民夫崔濡等事我先王阿諛逢迎
陷於不義癸未年間南行不返崔濡惡董實
使之也本國人言及於此未嘗不痛哭流涕
今濡等又以篋簧之口掩我大功廢吾王而
使本土無辜之民不遑寧居此本國之罪人
也吾王使宰相李公遂柳仁兩許綱洪淳等
賀正矣謝恩矣賀聖節矣又賀千秋矣且啓
稟矣濡等互相壅蔽奪其方物表箋使不得
達拘留使价唯已之從且世祖皇帝命不改

土風正嫡承襲其來遠矣濡等冒弄朝廷立孽庶爲王改易風而使世祖皇帝詔旨墜於空虛此天下之罪人也本國人槌脅切齒曰亂臣賊子人得而誅之古有常憲如濡之輩罪不容誅雖剖心腹必無朝廷之議大小奮愠雷然一辭必舉大兵往討濡等惡革食肉寢皮然後已物議汹涌不可止遏今以精兵百萬往討局麗逆黨約已定矣師之所過荆棘生焉大軍一舉馬首指北雖加禁厲人心憤怒氣炎如火所觸必焚天下無辜忍受其禍本職所管各部人物即宜收帶家口早入山寨遠避軍鋒又區別崔濡等高麗逆黨毋使諸色軍馬濫及於禍有能捕濡等惡革傳首納款不唯本國釋怒上國亦知濡等欺天亂法正伏其辜將有厚賞本職叅詳即便施行又當飛報行樞密院同知施行初遇慶令兵馬使金之瑞王天桂分守要害宋芬碩守義州弓庫門護軍金得和將十餘騎候

緣江邊夜半報賊到楸島遇慶遣人告急於都察使李龜壽都兵馬使洪瑄巡撫使池龍壽時士卒凍餒不能興黎明賊渡江遇慶將官屬七十餘騎登城望之賊圍弓庫門遇慶引軍趨之賊已踰城入殺守門卒芬碩尚未知也遇慶身先士卒與邦天奉威石柱金得和玄奴价崔黑驢羅成等七戰却之賊登山覘我軍寡且無援分步騎爲七隊鼓噪齊進我軍不能支奔還入門黑驢下馬執槊立門外賊不得逼還我軍畢入上馬徐驅而入龜壽瑄龍壽等不意賊奄至各將十餘騎至我軍屢與戰不利瑄馬蹶爲賊所擒我軍大敗走保安州賊入據宣州王命贊成事崔瑩爲都巡慰使又命我太祖自東北面率精騎一千赴之泥城都體察使李珣都兵馬使禹礪朴椿等引軍來會我軍復振賊候騎至定州遇慶將精騎三百掩擊敗之虜其將宋臣吉剌以徇賊奪氣於

是遇慶龍壽都兵馬使羅世為左翼
礮椿我

太祖為右翼瑩為中軍行至定州

太祖見諸將退北言其劫懦不力戰諸將忌
之時賊已屯隨州之獺川諸將謂

太祖曰明日之戰君獨當之

太祖知諸將忌之稍有憂色明日賊分為三
隊

太祖居中手下老將二人為左右各當其一

隊奮擊之

太祖所乘馬陷泥濘甚危馬奮躍而出衆皆
驚異

太祖射賊將數人賊乃潰去二人拔劍亂擊
之賊已奔崩唯塵埃蔽空而已倭屠喬桐京
城大震王命遇慶與龍壽珣領三十三兵馬
使分屯東西江昇天府以補之未幾賜推誠
亮節宣力翊贊功臣號與吳仁澤等謀除事
恥事滅杖流南原後為奴賸其家恥誅復召

為贊成事出為西京都萬戶與珣往擊五老
山城克之虜元樞密院副使哈刺不花還

崔瑩

崔瑩平章事惟清五世孫也父元直仕至司
憲糾正瑩風姿魁偉膂力過人初隸楊廣道
都巡問使麾下屢擒倭賊以武勇聞補弓達
赤恭愍元年趙日新作亂瑩與安祐崔源等
協力盡誅授護軍三年拜大護軍與柳濯從
元丞相脫脫等征高郵前後二十七戰城將

陷脫脫被讚師罷明年禦賊淮安路累戰于
八里莊又泗和等州賊八千餘艘圍淮安城
晝夜力戰却之賊復至瑩身被數槍奮擊殺
獲殆盡既還國與印璫攻破鴨綠江以西八
站六年出為西海平壤泥城江界體覆使明
年倭四百餘艘寇吾義浦瑩設伏與戰克之
又明年為西北面兵馬使紅賊入西京瑩與
諸將戰于生陽鐵和西京咸從之聞頗有功
又明年拜平壤尹兼西北面巡問使時磨

未復餓等相繼瑩廣置賑濟場給糧種勸耕
稼瘞戰死者骸轉左散騎常侍十一年與安
祐李芳實等收復京都錄勲爲一等圖形壁
上賜上田臧獲爵其父母妻除典理判書十
二年金鏞謀亂遣其黨犯興王行宮瑩聞變
與禹礪安遇慶金長壽等率兵馳赴擊賊盡
殺之策勲一等又賜土田臧獲進判密直司
事賜監忠奮義佐命功臣號轉評理有人得
鏞所畜猫兒眼精珠獻都堂一座傳玩瑩獨
不顧曰鏞之志此等物喪之諸公何玩耶尋
陞贊成事十三年賊臣崔濡奉德興君渡鴨
綠江我師與戰敗績賊乘勝長驅入據宣州
中外凶懼命瑩爲都巡慰使將精卒急趨安
州節度諸軍瑩聞命即行率厲將卒誓必滅
敵朝野恃以無恐瑩道遇亡卒輒斬以徇宣
令始肅與諸將分軍擊賊于獺川大敗之遣
兵馬副使安柱報捷王喜賜柱馬一匹銀二
錠東寧路萬戶朴伯也大入寇延州瑩遣其

將擊却之後王命瑩儲倉使丁得年賜闖入
米得年以命不由兩府不奉旨王怒欲杖流
之瑩曰責在臣等非得年之罪也乃釋之十
四年倭寇喬抃江華瑩以東西江都指揮使
率兵鎮東江瑩嘗責密直金蘭以女與辛晫
晫疾之至是瑩獵高峯縣晫譖于王王遣李
珣讓之曰倭入昌陵取世祖眞卿爲東西江
都指揮使而不知以金續命代卿而卿猶領
其兵田獵無時何也予雖不言臺諫其不論
乎今以卿尹鷄林可亟之任瑩聞命向闕歎
曰今之得罪者鮮克保全吾得尹鷄林聖恩
厚矣遂行晫復誣以瑩與李龜壽等交結內
宦離間上下遣其黨李得林鞠訊瑩誣服曰
請速即刑乃削三品以土爵籍其曰民流之
得林之鞠瑩也必欲殺之鄭思道時鎮合浦
死執以爲不可得林訢晫并罷之二十年召
還復拜贊成事二十二年爲六道都巡察使
籍軍戶造戰艦黜陟將帥分今有罪者專斷